



Siverth K. Heilmann

UPA 2024/130-1

Atassut

16. april 2024

Inuussutissarsiutigalugu aalisartut piniartullu pisortanit ikioserneqarnissamik inatsisitigut periarfissaat aammalu kommuneni allaffissornikkut kingunerisassai pillugit Naalakkersuisut nassuiaanissamik peqquneqarnissaannik Inatsisartut aalajangiiffigisassaatur siunnersuut.

(Inatsisartuni ilaasortaq Doris J Jensen, Siumut)

Siullermik aalajangiiffigisassatur siunnersuuteqartumut qujanaq, imatullu naatsumik Atassummiit oqaaseqarfigissavarput.

Siunnersuut pingaarutilik iluarsineqartariaqartorlu inatsisartuni ilaasortamit Doris J. Jensen-imit qaqqinneqarpoq.

Qulequtarineqartoq tungavilersuutaasorlu ersarilluinnarput, tamannalumi uppersarsinnaavara, kommunalbestyrelse-mi sulinitinni, pisortanut ikioserneqarnissamik saaffiginnittoqartillugu, manna tikillugu, suliffissarsiortutut nalunaarsorneqaannarnissaanut innersuunneqartarmata.

Tamannalumi aamma inatsisartuni inatsisinillu naleqqussaaniarnitsinnut atatillugu, namminersortutut inuussutissarsiuteqartuuneq patsisigiinnarunnaarsinneqarnissaa pillugu kaammattuuteqartarsimavunga.

Aap siornatigut aalisartut piniartullu tapeeriaatsinut assigiinngitsunut aamma kommuunetoqqani periarfissagissaarnikuupput, pissutsilli aamma inatsisartuni allanngortinneqartarnikuupput, unali naleqqussarluinnartariaqarnera Atassummiit taperserujussuarparput.

Taamamatut naatsunnguamik tapersiilluta, innersuukkusupparput suliap aappassaaneerneqartigani aalisarnermut piniarnermullu ataatsimiititaliami suliareqqaarneqarnissaa.